

# Ժողովուրդ

28  
(2694)

24 փետրվարի ուրբաթ 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

## ՆԻԿՈՒ ՓԱՇԻՆՅԱՆԸ ԽԱԲԵԼ Է ՄԱՍ 165




ՀՀ կառավարությունը «Լիդիան» ընկերության հետ 250 միլիոն դոլար արժեքով փաթեթ է ստորագրել: ՀՀ էկոնոմիկայի նախարար Վահան Զեյրոբյանը հայտարարել է, թե Ամուլսարի հանքը շուտով կշահագործվի: Նիկոլ Փաշինյանի իշխանության գալուց հետո հենց նրա էլ թիմակիցների կողմից Ամուլսարի հանքի շահագործման մասին եղել են տարբեր եւ հակասական հայտարարություններ: Հանքը պետք է աշխատեր դեռ 2018 թվականին, սակայն նույն իշխանությունը, ինչ-ինչ շահերից ելնելով, փակեց թեման: Նիկոլ Փաշինյանը խորհրդարանի ամբիոնից հայտարարում էր, թե Սեւանա լիճը իր համար Ղարաբաղի հարցին հավասար թեմա է, եւ եթե անգամ մի թեթեւ վնաս է կրելու հանքի շահագործումից, ուրեմն հանքը չի բացվի: Վերհիշենք նախորդ հայտարարությունները. 2018 թվականի հոկտեմբերի 24-ին Նիկոլ Փաշինյանը խորհրդարանում հայտարարեց. «Ամուլսարի մասին ի՛նչ ենք ասում. մեզ պետք է փաստ եւ փաստարկ, որ Սեւանի համար այդտեղ վտանգներ չկան: Ասում են՝ չկա, հավատացե՛ք մեր խոսքին, փաստաթղթերին: Սեւանի հարցը Ղարաբաղի նման հարց է, չի կարելի ուղղակի փակ աչքերով գնալ այդտեղ»: Ներկայումս ԱԺ ԶՊ խմբակցության պատգամավոր Սերգեյ Բագրատյանը 2021 թվականի օգոստոսի 23-ին ասում էր. «Հանքարդյունաբերությունը չպետք է շարունակել երկրում, եւ նախկինում էլ այնպիսի հանքարդյունաբերություն, որ վնասում էր բնապահպանությանը եւ մեր բնակիչների առողջությանը, պետք է բերվեն միջազգային ստանդարտներին: Պետք է դադարեցնել եւ չսպասարկել զարգացած երկրների շահերը»: Տարօրինակ է, թերեւս, ԶՊ-ական նախկին բնապահպան-ակտիվիստների քար լռությունը, որոնք Սերժ Սարգսյանի օրոք առիթը բաց չէին թողնում խոսելու հանքի շահագործման վտանգների մասին: Նույն Լեւոն Նազարյանը, որ դեռեւս ընդդիմադիր պատգամավոր եղած ժամանակ պայքարում էր հանքի շահագործման դեմ, բնապահպանական ակցիաների էր մասնակցում, ճանապարհներ էր փակում, խոսում էր հանքի շահագործման վտանգավոր ռիսկերի մասին, հիմա, սակայն, տարօրինակ կերպով լռում է:

«Ռուբեն Վարդանյանին պետական նախարարի պաշտոնում նշանակել եմ իմ որոշմամբ ու առաջարկն արել եմ իմ նախաձեռնությամբ... Գիտակցելով Արցախի ու մեր ժողովրդի հանդեպ պատասխանատվությունը՝ Արցախը զարգացնելու եւ առաջիկա մարտահրավերներին դիմագրավելուն պատրաստ լինելն ապահովելու փոխարեն մեր բոլորիս եւ պետության (առանց փակագծեր բացելու)՝ բոլոր առումներով դիմադրողականությունը չսպառնելու համար որոշում եմ կայացրել Ռուբեն Վարդանյանին ազատելու պետական նախարարի պաշտոնից»,- երեկ իր սպասված ուղերձում այսպիսի հայտարարությամբ հանդես եկավ Արցախի Հանրապետության նախագահ Արայիկ Զարուբյանյանը: Հիշեցնենք, որ Ռուսաստանի Ռաշնությունից Արցախ մշտական բնակության տեղափոխված Ռուբեն Վարդանյանը գրանցված է Արայիկ Զարուբյանյանի՝ Ստեփանակերտի տան վրա, եւ նրանք իրապես ունեցել են ջերմ հարաբերություններ մինչեւ պետական նախարարի պաշտոնի ստանձնումը: Երբ Ռուբեն Վարդանյանը նշանակվեց պետական նախարար, նրա թիմակիցները ակնհայտորեն սկսեցին աշխատել Արայիկ Զարուբյանյանի դեմ: Նրանցից է հատկապես Մեսրոպ Առաքելյանը, որն «Ապրելու երկիր» կուսակցության համահիմնադիրն է եւ Ռուբեն Վարդանյանի թիմում համակարգում է տեղեկատվական ոլորտը: Տարբեր տեղեկությունների համաձայն՝ Արցախի իշխանության, պետական գործիչների դեմ տարաբնույթ լրատվական հարձակումները կազմակերպվում են Առաքելյանի միջոցով, եւ թեեւ երեկվա ուղերձում Արայիկ Զարուբյանյանը մի քանի անգամ էլի շեշտել էր, որ Վարդանյանն իր ընկերն է եւ շարունակում է մնալ, բայց, միեւնույնն է, եւ Արցախի նախագահի, եւ նոր նշանակվող պետական նախարար, Արցախի գլխավոր դատախազ Գուրգեն Ներսիսյանի եւ էլի շատերի դեմ արշավը փաստացի համակարգվում է նույն Վարդանյանի առաքելյանական թիմի կողմից:



Մի թեկնածուի առաջադրման հարցը շարունակում է գլխացավանք մնալ իշխող խմբակցության համար: Ըստ «Աժ կանոնակարգ» օրենքի՝ պաշտոնը թափուր մնալուց հետո՝ եռամսյա ժամկետում, նոր ՄԻՊ պետք է ընտրվի: «Աժ կանոնակարգ» օրենքը սահմանում է, որ եթե սահմանված 10-օրյա ժամկետում Ազգային ժողովի իրավասու մշտական հանձնաժողովին թեկնածու չի առաջադրվում, ապա դրանից հետո՝ էլի տասնօրյա ժամկետում, պետք է առաջադրում լինի. դարձյալ տասնօրյա ժամկետ է սահմանվում. մինչեւ 3-րդ ամսվա վերջին օրը պետք է արդեն օմբուդսմենն ընտրված լինի: Աժ հանձնաժողովից տեղեկացանք, որ առաջադրման երրորդ տասնօրյակն է լրանում, սակայն թեկնածու այդպես էլ չի նշմարվում. ո՛չ իշխող ֆրակցիան, ո՛չ էլ ընդդիմությունը թեկնածու չեն գտնում: ԶՊ-ականները դժգոհում են, թե ում առաջարկում են առաջադրվել այդ պաշտոնում, չի ցանկանում: Ընդդիմությունն էլ թեկնածու չի առաջադրում, քանի որ վստահ է՝ ում էլ առաջադրեն, միեւնույնն է, իշխող ֆրակցիան չի ընտրելու: Ստացվում է՝ իշխող ֆրակցիան ո՛չ ինքն ունի թեկնածու, ո՛չ էլ ցանկանում է ընդդիմության թեկնածուի շուրջ համաձայնության գալ: «Ժողովուրդ» օրաթերթի տեղեկություններով՝ ԶՊ-ականները խմբակցության նիստերից մեկի ժամանակ տեսակետ են գեներացրել, որ թեկնածու չգտնելու դեպքում մտադիր են ՄԻՊ թեկնածու առաջադրել հենց իրենց խմբակցության պատգամավորներից մեկին. հակված են՝ կին թեկնածու լինի: Թեեւ ԶՊ-ականները իրենք էլ դեմ են այս պաշտոնում առաջադրվելու գաղափարին (քանի որ ՄԻՊ-ը պետք է լինի անկուսակցական), սակայն ասում են, որ եթե Նիկոլ Փաշինյանն ասաց, չեն կարող հակադրվել:



«Ժողովուրդ» օրաթերթը տեղեկացավ, որ Հարավային Կովկասում եւ Վրաստանում ճգնաժամի հարցերով ԵՄ հատուկ ներկայացուցիչ Տոյվո Կլարն այսօր կգա Հայաստան: Մեր տեղեկություններով՝ նա հանդիպում կունենա ՀՀ բարձրագույն ղեկավարության հետ: Նշենք, որ վերջին անգամ Տոյվո Կլարն Հայաստան էր եկել մեկ ամիս առաջ՝ հունվարի 23-ին: Նա այդ ժամանակ գրառում էր կատարել եւ ասել. «Մեկօրյա հանդիպումներով՝ վերադարձ Երեւան: Լաչինի միջանցքի շուրջ իրավիճակը լուրջ է, եւ պետք է շտապ լուծումներ գտնել»: «Ժողովուրդ» օրաթերթը տեղեկացավ, որ այս անգամ Հայաստանի այցի նպատակներից են նաեւ (բացի Լաչինի շուրջ ստեղծված իրավիճակը քննարկելուց) ԵՄ առաքելության հետ կապված հարցերը: Ինչպես հայտնի է, փետրվարի 21-ին ԵՄ-ն պաշտոնապես հայտարարել է Հայաստանում քաղաքացիական դիտորդական առաքելության աշխատանքի մեկնարկի մասին: Եւ առաքելության կենտրոնակայանը Եղեգնաձորում է: ԵՄ դիտորդական առաքելությունը կազմված է 100 դիտորդից:



ԳԵՐԱԳՆԱՐԱՏՈՒՄ ԵՆՔ

ԹՈՒՂԹԸ ԿԱՐՑ ՉԻ ԼՈՒԾԵԼ

Արդարադատության միջազգային դասարանը հրապարակել է Լաշինի միջանցքի ադաբազիական վերաբերյալ ժամանակավոր միջոց կիրառելու Հայաստանի դաշնային մասին որոշումը:

Այսպիսով, դատարանը եզրակացնում է, որ Ադրբեջանը պարտավոր է, իր կոնվենցիայով ստանձնած պարտավորությունների համաձայն, ձեռնարկել իրենից կախված բոլոր միջոցները, որպեսզի ապահովի անձանց, տրանսպորտային միջոցների և բեռների անխափան տեղաշարժը Լաշինի միջանցքով երկու ուղղությամբ: Հաագայի դատարանի այս որոշման շուրջ «Հողովուրդ» օրաթերթը գրուցել է իրավապաշտպան Ռուբեն Մելիքյանի հետ:

-Պարոն Մելիքյան, կմանրամասնե՞ք ինչ է իրենից ենթադրում այս որոշումը, ինչ ուժ ունի այն:

-Ադրբեջանն իրենից կախված ամեն ինչ պետք է անի, որպեսզի Լաշինի միջանցքը բացվի: Հաագայի դատարանի երեկվա որոշումն այս առումով ավելի առաջընթաց է, քան Եվրոպական դատարանի միջանկյալ որոշումը. մոտ մեկուկես ամիս առաջ Եվրոպայի դատարանը նույնպես որոշում էր կայացրել, որով Ադրբեջանին պարտադրել էր առանձին կատեգորիայի անձանց համար ճանապարհը բացել, դրանք կլինեին հիվանդներ, վերամիավորման խնդիր ունեցող ընտանիքներ և այլն: Դատարանը, միեւնույն ժամանակ, վերծել է Արցախի գազամատակարարման և էլեկտրամատակարարման հետ կապված Հայաստանի կողմից բարձրացված հարցը, ինչը զարմանալի է: Որքան հաճելի է կարողալ դատարանի որոշման առաջին մասը, նույնքան տարօրինակ էր որոշման երկրորդ մասը, թե ինչպես կարող է բավարար ապացույցներ ներկայացված չլինել, որ Ադրբեջանն է Արցախի գազամատակարարումը խափանում:

Բայց շատ ավելի կարևոր հարց կա՝ որքանով կատարվեց Եվրոպական դատարանի որոշումը, արդյոք այն կատարվե՞ց, կա՞րողյոք որեւէ մեխանիզմ այս որոշումն ի կատար ածելու համար: Ի վերջո, այնտեղ գնահատողական արտահայտություններ են օգտագործված, ինչպես, օրինակ, «Ադրբեջանը ողջ հնարավորությունները պետք է օգտագործի». սա որոշակի դաշտ է տալիս Ադրբեջանին, որպեսզի նշի, թե ինչը, օրինակ, չկարողացավ իր հասարակության ներկայացուցիչների, ինչպես իրենք են պնդում, բնապահական կրոնիկա որոշակի ազդեցություն ունենալ: Առհասարակ, ես կարծում եմ, որ մենք՝ իրավաբաններս, շատ ենք գնահատում իրավական փաստաթղթերի նշանակությունը՝ մոռանալով հողի վրա տեղի ունեցողը: Ես ամենեւին վստահ չեմ, որ այս որոշումից հետո մենք կունենանք դրական տեղաշարժ, թեև դրա հավանականությունը մեծ էմ համարում ոչ այնքան այս որոշման, որքան աշխարհաքաղաքական պատճառներով:



«Պարոն Մելիքյան, եթե Ադրբեջանը հրաժարվի կատարել դատարանի վճիռը, պատժամիջոցների ի՞նչ գործիքակազմ ունի դատարանը:

-Ինդիքը հենց այն է, որ միջազգային իրավունքում նման լծակներ գոյություն չունեն, այսինքն՝ այդ լծակները, ի վերջո, հանգեցնում են ՄԱԿ-ի ԱԽ-ի կողմից որոշումներ կայացնելուն: Որքան Եվրոպայի խորհուրդը պատրաստ է սանկցիաներ կիրառել Ադրբեջանի նկատմամբ, այնքան էլ ՄԱԿ-ի ԱԽ-ն է պատրաստ, այսինքն՝ պարզապես պատրաստ չէ որեւէ պատժամիջոց կիրառել, հենց այս պատճառով եմ ասում մենք հաճախ գերազանցաբար ենք իրավական փաստաթղթերի կարեւորությունը: Դրանք, իհարկե, ունեն որոշակի կարեւորություն, բայց ոչ այնքան, որ մենք դրանով կարողանանք հարց լուծել. որեւէ թուղթ երբեք հայրենիքի հարց չի լուծել:

Ջրուցեց ՔՐԻՍՏԻՆԵ ՍՈՒԵՆՅԱՆԸ

ԵՐԵՒԱՆԵՐԻ ԻՐԱՎՈՒՆՔՆԵՐ

ԸՆԴՈՒՆԵԼՈՒԹՅՈՒՆ՝ ԽՈՐՀՐԳԱՐԱՆՈՒՄ

«Փետրվարի 22-ին խորհրդարանում ես եւ իմ գործընկեր Աստղամ Կոչեյանը հանդիպում ունեցանք ՄԱԿ-ի երեխաների կոմիտեի փոխնախագահ Ֆիլիպ Գ. ժաֆեի, Եվրոպական Terre des hommes ՀԿ-ի Արդարադատության հասանելիության ծագրի ղեկավար Յան Կուլիուի հետ», - հայտարարություն է տարածել ԱԺ մարդու իրավունքների դաշնային կոմիտեի ղեկավար Գրիգորի մեջակյանը հանձնաժողովի նախագահ, անկուսակցական Թագուհի Թովմասյանը:

«Քննարկեցինք Հայաստանում եւ Արցախում երեխաների խախտված իրավունքներին առնչվող կարեւորագույն հարցեր: Հյուրերի ուշադրությունը իրավունքի վերջերս ուսուցանողական էրեբուսու բաժանմունքում անչափահասներին ծեծի ենթարկելու դեպքի վրա, որի առնչությամբ զեկույց էի ուղարկել վերջիններին:

Առանձնահատուկ շեշտեցի Արցախում, ինչպես նաեւ Հայաստանի սահմանապահ գյուղերում ապրող անչափահասների Ադրբեջանի կողմից ոտնահարվող իրավունքները վերականգնելու անհրաժեշտությունը՝ մեկ անգամ ես հիշատակելով Ադրբեջանի կողմից արցախահայ երեխաներին հոգեբանական բռնության ենթարկելու դեպքը:



Հյուրերը մտահոգված էին մարդու իրավունքների խախտման նման դեպքերով, եւ նրանք էլ ընդգծեցին, որ պատրաստ են ընդլայնել համագործակցությունը մարդու, մասնավորապես՝ երեխայի իրավունքների պաշտպանության ոլորտում: «Առավել գործունե քայլերի, քան պարզապես խոսքերի կարիք կա», - նշեց ՄԱԿ-ի երեխաների կոմիտեի փոխնախագահը:

Հանդիպման վերջում արձանագրեցի, որ մարդու իրավունքների պաշտպանությունը մշտական գործընթաց է, որը պահանջում է ամենօրյա ժրաջան աշխատանք: Այս առումով կարեւորում եմ քաղաքակիրթ երկրի փորձն ու փորձառությունն ուսանելը», - եզրափակում է պատգամավոր Թ. Թովմասյանը:



ԽՆԴԻՐՆԵՐ ԿԱՆ

2023 թվականի հունվարի 17-ին ՀՀ կառավարության կողմից Ազգային ժողով է ներկայացվել «Դատախազության մասին» ՀՀ օրենքում փոփոխություններ եւ լրացումներ կատարելու մասին» նախագիծը: Նախագծով առաջարկվող փոփոխությունները վերաբերում էին մի քանի հոդվածների, որոնց վերաբերյալ Հայաստանում գործող հասարակական կազմակերպությունները եզրակացություն են տվել եւ նաեւ էական խնդիրներ հայտնաբերել: Մասնավորապես՝ նրանց եզրակացության մեջ նշվում է, թե ներկայացվող փոփոխությունների մեջ առկա են մի շարք խնդրահարույց եւ մտահոգիչ կարգավորումներ: Առաջարկվող նախագծով ներկայացված են փոփոխություններ օրենքի 39-րդ հոդվածով նախատեսված՝ դատախազների ծառայողական առաջնահարգման ցուցակների կազմման կարգավորումներում. առաջարկվում է վերանայել արտահերթ կարգով համալրվող ծառայողական ցուցակները եւ վերացնել բարեվարքության ստուգման պահանջը: Ստացվում է՝ արտահերթ համալրման դեպքում Կոռուպցիայի կանխարգելման հանձնաժողովի կողմից բարեվարքության ստուգումն այլևս չի պահանջվում: Նման փոփոխությունը նախագծով որեւէ հիմնավորում չի ստացել: Հասարակական կազմակերպությունները գտնում են, որ բարեվարքության ստուգման բացակայությամբ դատախազների առաջնահարգումը հետընթաց քայլ է ընթացիկ դատախազական բարեփոխումների համատեքստում: Իհարկե, այստեղ կարող է արդեն լինել «խնամի-ծանոթ-բարեկամ» սկզբունքի իրագործումը: Միեւնույն ժամանակ, նրանք առաջարկում են դատախազական համակարգում համակարգային փոփոխությունների վերաբերյալ քննարկում կազմակերպել շահագրգիռ բոլոր կողմերի մասնակցությամբ, ինչից հետո միայն ընթացք տալ «Դատախազության մասին» ՀՀ օրենքի փոփոխություններին:

ԿԳՈՐԾՈՒՂՎԵՆ

Հայաստանի խորհրդարանական պատվիրակությունը մարտի 8-10-ը կգործուղվի Բրյուսել՝ մասնակցելու Հայաստան-ԵՄ խորհրդարանական գործընկերության կոմիտեի 3-րդ նիստին:

ArmLur.am-ը տեղեկացավ ԱԺ պատվիրակության կազմում կլինեն Հայաստան-ԵՄ ԽԳԿ-ի համանախագահ, Ազգային ժողովի Եվրոպական ինտեգրման հարցերի մշտական հանձնաժողովի նախագահ Արման Եղոյանը, Ազգային ժողովի արտաքին հարաբերությունների մշտական հանձնաժողովի նախագահ Սարգիս Խանդանյանը, Ազգային ժողովի գիտության, կրթության, մշակույթի, սպորտի, երիտասարդության եւ սպորտի հարցերի մշտական հանձնաժողովի նախագահ Սիսակ Գաբրիելյանը, ՔՊ խմբակցության պատգամավորներ Մերի Գալստյանը, Միքայել Թումասյանը, Տաթևիկ Գասպարյանը, «Պատիվ ունեմ» խմբակցության ղեկավար Հայկ Մամիջանյանը, «Հայաստան» խմբակցության պատգամավոր Քրիստինե Վարդանյանը:

Պատգամավորների գործուղման հետ կապված ճանապարհածախսի, օրապահիկի, ինչպես նաեւ գիշերավարձի ծախսերը կկատարվեն պետբյուջեի հաշվին:

ԻՐԱՎԻՃԱԿ

ԱՌԱՋԱՐԿՈՒՄ ԵՆ ՓՈԽԵԼ

ՕՐԵՆՔՈՒՄ ԽՆԴԻՐՆԵՐ ԵՆ ԳՏԵԼ

ՆՈՐ ԳՈՒՅՔ ԿՈՒՆԵՆԱ

«Սու Սարգսյանի անվան համազգային թատրոն» պետական ոչ առևտրային կազմակերպության անհատույց օգտագործման իրավունքով անշարժ գույք կամրացվի: Այս մասին որոշումն ընդունվեց կառավարության այսօրվա նիստի ժամանակ:

Որոշման հիմնավորման մեջ նշվում է, որ Տարածքային կառավարման եւ ենթակառուցվածքների նախարարության Պետական գույքի կառավարման կոմիտե է դիմել ԿԳՄՍ նախարարությունը՝ Երեւան քաղաքի Ա. Վեռնոյի փողոց թիվ 3 հասցեում գտնվող անշարժ գույքը սահմանված կարգով «Սու Սարգսյանի անվան համազգային թատրոն» ՊՈԱԿ-ին ամրացնելու խնդրանքով՝ հիմք ընդունելով ՀՀ կառավարության որոշման համաձայն «Ջի Էմ Դեվելոփեր» ՍՊ ընկերության եւ Պետական գույքի կառավարման կոմիտեի միջե կնքված անշարժ գույքի սեփականության իրավունքի փոխանցման պայմանագիրը:

Այս նախագծով առաջարկվում է Ա. Վեռնոյի փողոց 3 հասցեում գտնվող 1971.5 քառ. մետր մակերեսով թատրոնի շենքը, ընդհանուր բաժնային սեփականություն հանդիսացող («Ջի Էմ Դեվելոփեր» ՍՊ ընկերության հետ համատեղ) 21 քառ. մետր մակերեսով տարածքը եւ դրանց զբաղեցրած, օգտագործման ու սպասարկման համար անհրաժեշտ ընդհանուր բաժնային սեփականություն հանդիսացող («Ջի Էմ Դեվելոփեր» ՍՊ ընկերության հետ համատեղ) 0.095569 հա հողամասը անժամկետ, անհատույց օգտագործման իրավունքով ամրացնել «Սու Սարգսյանի անվան համազգային թատրոն» պետական ոչ առևտրային կազմակերպությանը:

ՓՈԽՐԱՏՈՒՑԵԼՈՒ Է ԾԱԽՍԵՐԸ

Լաչինի միջանցքի արգելափակման հետեւանքով ՀՀ-ում գտնվող Լեռնային Ղարաբաղի շուրջ 340 քաղաքացիների կացությունն ապահովելու անհրաժեշտությամբ պայմանավորված՝ կառավարությունն ընդունել է որոշում:

Հիմնավորման համաձայն՝ 2022 թ. դեկտեմբերի 12-ից սկսած՝ Լեռնային Ղարաբաղի մի շարք քաղաքացիներ դիմել են Հայաստանում Լեռնային Ղարաբաղի օպերատիվ շտաբ եւ ՀՀ աշխատանքի եւ սոցիալական հարցերի նախարարության միասնական սոցիալական ծառայության գրասենյակներ Լաչինի միջանցքի փակ լինելու հետեւանքով կացություն չունենալու խնդրով: Վերջիններս քաղաքացիներին տեղավորել են տարբեր հյուրանոցներում:

Կառավարության համապատասխան որոշումներով արդեն հատկացվել է 114 850.9 հազ. դրամ եւ 98 490.5 հազ. դրամ: Այսօրվա որոշմամբ նախատեսվում է փոխհատուցել հունվարի 26-ից մինչեւ փետրվարի 19-ը ներառյալ հյուրանոցների կողմից կատարած ծախսերը, ինչպես նաեւ քաղաքացիների տեղափոխման ծախսերը:

Հյուրանոցներին վճարման ենթակա գումարը փետրվարի 19-ի դրությամբ կազմում է 91 080 500 ՀՀ դրամ, իսկ տեղափոխման ծախսերը՝ 6 380 000 ՀՀ դրամ:

2023 թվականի հունվարի 17-ին ՀՀ կառավարության կողմից Ազգային ժողով է ներկայացվել ««Դատախազության մասին» ՀՀ օրենքում փոփոխություններ եւ լրացումներ կատարելու մասին» նախագիծը, որը նույն թվականի փետրվարի 7-ին ընդգրկվել է մասաերջանի օրակարգ: Նախագծով առաջարկվող փոփոխությունները վերաբերում էին մի քանի հոդվածների, որոնց վերաբերյալ Հայաստանում գործող հասարակական կազմակերպությունները եզրակացություն են արել եւ նաեւ Էական խնդիրներ հայտնաբերել:

Մասնավորապես, նրանց եզրակացության մեջ նշվում է, թե ներկայացվող փոփոխությունների մեջ առկա են մի շարք խնդիրներ, որոնցից առաջարկվող կարգավորումները: Նախագծով առաջարկվում է հստակեցնել դատախազների թեկնածուների տարիքային շեմին ներկայացվող պահանջը, քանի որ, ըստ նախագծի հեղինակների, պրակտիկայում հաճախ հանդիպում են այնպիսի իրավիճակներ, որոնք օրենքի առկա կարգավորումների տարաբնույթ մեկնաբանության տեղիք են տալիս: Մասնավորապես, հնարավոր են իրավիճակներ, երբ դատախազների թեկնածուների ցուցակը համարվելու նպատակով անցկացվող մրցույթին մասնակցելու հայտ է ներկայացնում որեւէ անձ, ում 22 տարին դիցուք լրանալու է 2 ամիս անց: Տվյալ իրավիճակում օրենքը չի պարունակում հստակ կարգավորումներ, թե արդյոք տվյալ անձը կարող է մասնակցել մրցույթին, թե ոչ, քանի որ 22 տարին լրացած լինելը վերաբերում է դատախազ նշանակվելու ընդհանուր պահանջներին, այլ ոչ թե դատախազների թեկնածուների ցուցակը համարվելու նպատակով անցկացվող մրցույթին մասնակցելու հնարավորությանը:

Այստեղ հասարակական կազմակերպություններն առաջարկում են վերանայել 22 տարեկան տարիքային շեմը եւ նախատեսել առավել բարձր տարիքային շեմ, առնվազն 25 տարեկան՝ հաշվի առնելով թեկնածուների ինչպես մարդկային կարողությունների, այնպես էլ մասնագիտական կարողությունների ու հմտությունների ձեւավորման անհրաժեշտությունը: Նմանապես կարելու է դիտարկել նաեւ պարտադիր մասնագիտական ստա-



ժի առկայությունը՝ որպես թեկնածուից պահանջվող պայման:

Առաջարկվող նախագծով ներկայացված են փոփոխություններ նաեւ օրենքի 39-րդ հոդվածով նախատեսված՝ դատախազների ծառայողական առաջխաղացման ցուցակների կազմման կարգավորումներում: Մասնավորապես, առաջարկվում է վերանայել արտահերթ կարգով համարվող ծառայողական ցուցակները եւ վերացնել բարեկարգության ստուգման պահանջը: Գործող օրենքի 39-րդ հոդված 2-րդ մասի 2-րդ կետի համաձայն՝ արտահերթ կարգով է, երբ գլխավոր դատախազն առաջարկություն է ներկայացնում որակավորման հանձնաժողով՝ դատախազին առաջխաղացման ցուցակում ընդգրկելու վերաբերյալ՝ ներկայացնելով գլխավոր դատախազի կամ գլխավոր դատախազի՝ ոլորտը համակարգող տեղակալի տված համապատասխան գնահատագիր: Որակավորման հանձնաժողովը գլխավոր դատախազի կամ գլխավոր դատախազի՝ ոլորտը համակարգող տեղակալի տված համապատասխան գնահատագիրը ստանալուց հետո՝ մեկշաբաթյա ժամկետում, համապատասխան դատախազից պահանջում է ստանում է բարեկարգության վերաբերյալ լրացված հարցաթերթիկը: Որակավորման հանձնաժողովի նախագահը բարեկարգության վերաբերյալ հարցաթերթիկը ստանալուց հետո՝ մեկօրյա ժամկետում, այն ներկայացնում է Կոռուպցիայի կանխարգելման հանձնաժողով մեկամսյա ժամկետում խորհրդատվական եզրակացություն ստանալու նպատակով: Որակավորման հանձնաժողովի նախագահը եզրակացությունը ստանալուց հե-

տո՝ որակավորման հանձնաժողովի նիստից առնվազն երեք օր առաջ, այն տրամադրում է որակավորման հանձնաժողովի անդամներին: Դատախազն ընդգրկվում է դատախազների ծառայողական առաջխաղացման ցուցակում որակավորման հանձնաժողովի դրական եզրակացության դեպքում: Առաջարկվող նախագծով նշված հոդվածի մասը նախատեսվում է հետեւյալ բովանդակությամբ.

« 2) արտահերթ կարգով, երբ գլխավոր դատախազն առաջարկություն է ներկայացնում որակավորման հանձնաժողով՝ դատախազին սույն հոդվածի 1-ին մասի 1-3-րդ կետերով նախատեսված՝ դատախազների առաջխաղացման որեւէ ցուցակում ընդգրկելու վերաբերյալ՝ ներկայացնելով գլխավոր դատախազի կամ գլխավոր դատախազի՝ ոլորտը համակարգող տեղակալի տված համապատասխան գնահատագիր:

Դատախազն ընդգրկվում է դատախազների ծառայողական առաջխաղացման ցուցակում որակավորման հանձնաժողովի դրական եզրակացության դեպքում: Սույն հոդվածի 1-ին մասի 4-5-րդ կետերով նախատեսված դատախազների առաջխաղացման որեւէ ցուցակում դատախազն ընդգրկվում է՝ իր անմիջական վերադասի պատճառաբանված գեկուցագրի հիման վրա, գլխավոր դատախազի հրամանով:»

Ինչպես կարելի է նկատել, արտահերթ համարման դեպքում Կոռուպցիայի կանխարգելման հանձնաժողովի կողմից բարեկարգության ստուգում այլեւս չի պահանջվում: Նման փոփոխությունը նախագծով որեւէ հիմնավորում չի ստացել: Այն անընդունելի մի շարք պատճառներով. նախ՝ բարեկարգության ստուգման բացակայությամբ՝ դատախազների առաջխաղացումը հետընթաց քայլ է ընթացիկ դատախարակական բարեփոխումների համատեքստում:

Միեւնույն ժամանակ նրանք առաջարկում են դատախազական համակարգում համակարգային փոփոխությունների վերաբերյալ քննարկում կազմակերպել շահագրգիռ բոլոր կողմերի մասնակցությամբ, ինչից հետո միայն ընթացք տալ «Դատախազության մասին» Հայաստանի Հանրապետության օրենքի փոփոխություններին:

ՆԱԽՈՎ ՀՈՎՅԱՆՆԻՍՅԱՆ

ՕՐԿԱ ԽՃԱՆԿԱՐ

ՄԵԿՆՈՒՄ Է ՖՐԱՆՍԻԱ

ՀՀ վարչապետի որոշմամբ՝ Էկոնոմիկայի փոխնախարար Արման Խոջոյանը փետրվարի 27-ից մինչեւ մարտի 1-ը գործուղվում է Փարիզ:

Փոխնախարարը Ֆրանսիայում կմասնակցի Փարիզյան միջազգային գյուղատնտեսական ցուցահանդեսին:

ArmLur.am-ը տեղեկացավ, որ Արման Խոջոյանի՝ Ֆրանսիա գործուղման ծախսերը կատարվելու են պետական բյուջեով արտասահմանյան պաշտոնական գործուղումների համար նախատեսված միջոցների հաշվին:

Յ-ԲԳ ՄԱՐԳԱՍԻՐԱԿԱՆ ՕԳՆՈՒԹՅՈՒՆ

Ավերիչ երկրաշարժից տուժած շրջաններին մարդասիրական օգնության երրորդ խմբաքանակը հասցնելու նպատակով փետրվարի 23-ին Հայաստանի Հան-

րապետության արտաքին գործերի նախարար Արարատ Միրզոյանը կմեկնի Սիրիա:

Ինչպես հայտնում են ԱԳՆ-ից, այցի շրջանակներում Արարատ Միրզոյանը հանդիպումներ կունենա Սիրիայի նախագահի եւ ԱԳ նախարարի հետ:

ԱՅՑԵԼԵԼ Է ՀՈՒՇԱՀԱՄԱԼԻՐ

Հայաստան այցի շրջանակում Իտալիայի մշակույթի նախարար Ջենարո Սանջուլիանոյի գլխավորած պատվիրակությունը, ՀՀ ԿԳՄՍ նախարարի տեղակալ Ալֆրեդ Քոչարյանի ուղեկցությամբ, այցելել է Հայոց ցեղասպանության հուշահամալիր (Ծիծեռնակաբերդ), հարգանքի տուրք մատուցել զոհերի հիշատակին:

Հայոց ցեղասպանության թանգարան-ինստիտուտի տնօրեն Հարություն Մարուքյանը հյուրերին ներկայացրել է հուշահամալիրի ստեղծման պատմությունը: Հյուրերը շրջել են նաեւ Հայոց ցեղասպանության թանգարանում, ծանոթացել մշ-

տական եւ ժամանակավոր ցուցադրություններին:

Իտալիայի պատվիրակությունն այցելել է նաեւ Մերոպ Մաշտոցի անվան հին ձեռագրերի գիտահետազոտական ինստիտուտ՝ Մատենադարան, Հայաստանի ազգային պատկերասրահ եւ «Գառնի» պատմամշակութային արգելոց-թանգարան:

ՏՈՒԳԱՆԵԼ ԵՆ

Մրցակցության պաշտպանության հանձնաժողովը հասարակության մոլորեցման դրսևորումներով անբարեխիղճ մրցակցության համար պատասխանատվության միջոցներ է կիրառել «Արզնի կաթնամթերք» ՍՊԸ-ի եւ «Ապարանի պանրի գործարան» ՓԲԸ-ի կողմից արտադրված բուսական յուղի առկայությամբ ապրանքները որպես թթվասեր մակնշելու եւ իրացնելու համար:

Տնտեսավարող սուբյեկտներն ընդունել են իրենց վերագրվող իրավախախտումների փաստը եւ միջնորդել են կիրառել արագացված վարույթներ:

ՕՐԵՆՍՊՐԱԿԱՆ ՓՈՓՈԽՈՒԹՅՈՒՆՆԵՐ

ՔԱՂԱՔԱՑԻՆ՝ ԱՆՊԱՇՏՊԱՆ ՎԻՃԱԿՈՒՄ

Էլեկտրոնային առևտուր կատարելիս, ծառայություններ սահմանափակ, օրինակ օնլայն վարկերի կնքման, սննդի առաքման, ադրանքի գնման դեղեկում բացահայտում և համաձայնությունն է սալիս որոշակի դրամային օրինակներով...



գելիս իրավական առումով հայտնվում են անպաշտպան վիճակում: «Սա վերջին տարիների զարգացումներից է, ուստի Քաղաքացիական օրենսգրքով նման կարգավորում նախատեսված էլ չէ: Հիմա մենք նախատեսում ենք, որ պայմանագիրը կարող է լինել ոչ միայն մեր իմացած թղթային պայմանագիրը, որտեղ բոլոր կետերը նշված են, և քաղաքացին տեսնում է, այլ պայմանագիրը կարող է ունենալ ընդհանուր պայմաններ, որոնք պարտադիր չեն, որ գրված լինեն կոնկրետ ապրանքի ձևով...

ները վերաբերում են Հայաստանում գրանցված ընկերություններին, որոնք էլեկտրոնային առևտուր կամ ծառայություններ են մատուցում, իսկ արտերկրյա ընկերություններից օնլայն ծառայությունների դեպքում «շատ բարդ դաշտ ենք մտնում», քանի որ այդ դեպքում գործում է տվյալ երկրների օրենսդրությունը: Հաջորդ կարգից փոփոխությունը վերաբերում է «միանալու պայմանագրերին», որոնց միանալիս, պայմանագիրը կնքելիս սպառողը չի բանակցում մյուս կողմի հետ, այդպիսի պայմանագրերը համարվում էին տիպային պայմանագրեր, և դատարանները վարույթ չէին ընդունում, հիմա փոփոխություններն արված են՝ ի օգուտ քաղաքացու, որը կարող է իր իրավունքները պաշտպանել դատարանում: Տիպային պայմանագրերը հավաստիացրեց, որ առաջարկվող փոփոխություններն արվել են՝ հոգուր քաղաքացու, որն այսուհետ ավելի պաշտպանված կլինի էլեկտրոնային պայմանագրեր կնքելիս: Հիշեցնենք, որ օրենսդրական փոփոխությունների փաթեթն այս պահին Ազգային ժողովում է:

ԱՍՓՈՓՈՒՄ

ՎԵՐԱԿԱՆՔԻՆՎԵԼ Է 1,7 ՄԼՐԴ ԳՐԱՄԻ ԳՈՒՅՔԱՑԻՆ ՎՆԱՍ

ՀՀ բնչական կոմիտեում ամփոփվել են 2022թ. ընթացքում նախաձեռնությունն ավարտված ֆրեզային վարույթներով հայտնաբերված՝ դեղատնային, համայնքային, իրավաբանական և ֆիզիկական անձանց դատաբանական վնասների և բնույթային ընթացքում վնասների վերականգնման վերաբերյալ սվյալները:

բացահայտված ընդհանուր վնասը 2021թ. ցուցանիշը գերազանցում է ավելի քան 1,6 մլրդ դրամով կամ 30%-ով: Մասնավորապես՝ 2022թ. ընթացքում նախաքննությամբ հայտնաբերված՝ պետությանը պատճառված գույքային վնասը կազմել է 2.475.445.223 ՀՀ դրամ: Նախաքննության փուլում վերականգնվել է 956.223.116 ՀՀ դրամը կամ 38,6%-ը, ընդ որում պետությանը պատճառված վնասների վերականգնման նշված արդյունքը 2021թ. ցուցանիշը գերազանցում է մոտ 37%-ով: Համայնքային պատճառված 312.467.000 ՀՀ դրամ վնասից վերականգնվել է 310.156.000 ՀՀ դրամը կամ 99,2%-ը: Իրավաբանական անձանց պատճառված 2.257.952.000 ՀՀ դրամ վնասից անցած տարվա ընթացքում վերականգնվել է 173.039.000 ՀՀ դրամը:

Ֆիզիկական անձանց պատճառված գույքային վնասը կազմել է 2.253.595.192 ՀՀ դրամ: Նախաքննության ընթացքում վերականգնվել է 266.329.856 ՀՀ դրամի վնաս: Միջազգային կազմակերպություններին գույքային վնաս չի պատճառվել: Ձեռնարկվել են միջոցներ դեռևս չհատուցված վնասի վերականգնումը երաշխավորելու նպատակով: Կալանք է դրվել մեղադրյալների՝ նախնական հաշվարկով ընդհանուր 1,257.549.000 դրամ արժեքով անշարժ և շարժական գույքերի, դրամական միջոցների նկատմամբ, որից ավելի քան 879 մլն-ը՝ պետությանը պատճառված վնասների մասով: Հանցագործությամբ պատճառված վնասների վերականգնումը ՀՀ քննչական կոմիտեում քննվող քրեական վարույթներով իրականացվող նախաքննության առաջնային խնդիրներից է:

ԼՈՒՐԵՐ

ՏՆՕՐԵՆԻՆ ԿԱԼԱՆԱՎՈՐԵԼ ԵՆ

ՀՀ քննչական կոմիտեի Երեւան քաղաքի քննչական վարչության ծանր հանցագործությունների քննության բաժնում քննվող՝ 2021թ. ապրիլի 6-ին «Սուրմալու» առևտրի կենտրոնում տեղի ունեցած հրդեհի եւ 2022 թվականի օգոստոսի 14-ին Նույն առևտրի կենտրոնում տեղի ունեցած պայթյունի եւ փլուզման դեպքի առթիվ նախաձեռնված եւ միացված քրեական վարույթի շրջանակում 2023թ. փետրվարի 22-ին «Երեւանի պահածոների գործարան» ՓԲԸ-ի տնօրեն Ի. Ս.-ն ձերբակալվել է:

Դատախազի կողմից հարուցված քրեական հետապնդման հիման վրա՝ վարույթն իրականացնող մարմնի կողմից վերջինիս Նույն օրը մեղադրանք է ներկայացվել՝ ՀՀ քրեական օրենսգրքի 357-րդ հոդվածի 2-րդ մասով եւ 457-րդ հոդվածի 1-ին մասով, այն է՝ հրդեհային անվտանգության կանոնները կամ պահանջները խախտելը եւ փաստաթուղթ կեղծելը:

Միջնորդություն է ներկայացվել Երեւան քաղաքի ընդհանուր իրավասության քրեական դատարան՝ Ի.Ս.-ի նկատմամբ 2 ամիս ժամկետով կալանավորումը որպես խափանման միջոց կիրառելու վերաբերյալ, որը բավարարվել է: Նախաքննությունը շարունակվում է:

Նշված վարույթի շրջանակում մեղադրյալի դատավարական կարգավիճակ ունի 5 անձ՝ «Երեւանի պահածոների գործարան» ՓԲԸ-ի տնօրենը, փոխտնօրենը եւ 3 տնտեսվարողները, որոնց պահեստային տարածքում առաջացել է պայթյունը: Ներկա պահին արգելանքի տակ է գտնվում մեկ անձ:

ՀԱՐՎԱԾՆԵՐ ԵՎ ԳՆԱԿԱՆԱՐՈՒԹՅՈՒՆ

Փետրվարի 22-ին՝ ժամը 21:00-ին, հիվանդանոցից ոստիկանության Էրեբունու բաժնի հաղորդում է ստացվել, որ մեջքի կտրած-ծակած արևահոսող վերքով բուժօգնության է դիմել 55-ամյա մի տղամարդ:

Ոստիկանությունից հայտնում են, որ հիվանդանոց օպերատիվ խումբ է մեկնել:

Էրեբունու ոստիկանների ձեռնարկված օպերատիվ-հետախուզական միջոցառումների շնորհիվ պարզվել է, որ Սուրբաբանի փողոցի տներից մեկում տեղի ունեցած վիճաբանության ժամանակ հիվանդանոց տեղափոխված տղամարդուն ձեռքերով հարվածներ էր հասցրել 35-ամյա փեսան, իսկ 28-ամյա դուստրը դանակով խփել էր մեջքին:

Տուժողի 28-ամյա դուստրը հայտնաբերվել, ձերբակալվել եւ տարվել է ոստիկանության Էրեբունու բաժնի:

Կազմված փաստաթղթերը ներկայացվել են նախաքննական մարմին: Կատարվում է նախաքննություն:

● Ըստ ոստիկանության տվյալների՝ փետրվարի 22-ից 23-ը Հայաստանի Հանրապետությունում բացահայտել են հանցագործության 67 դեպք, որոնցից 3-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԿՈՐԲԻ ՑԵՈՒԹՅԸ ԿԱՐԳՅՈՒՆԱՐԱՆՎԻ

Փետրվարի 14-ին Տավուշի մարզի Նոյեմբերյան խոշորագույն համայնքի համայնքապետարանի նիստերի դահլիճում տեղի ունեցան «Ցեոլիտ տեխնոլոգի» ՍՊԸ-ի կողմից նախատեսված Նոյեմբերյան համայնքի Կողբ բնակավայրի «Ղիասի քար» տարածքում կատարվելիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման վերաբերյալ հանրային քննարկումներ: Նոյեմբերյանի համայնքապետարանից «ժողովուրդ» օրաթերթը տեղեկացավ, որ հանրային քննարկումները կայացել են օրենքով սահմանված կարգով, բնականոն ձևով Նոյեմբերյան խոշոր համայնքի բնակիչների կողմից ցուցաբերված որոշակի հետաքրքրության եւ ակտիվության պայմաններում: Համայնքից տեղեկացա, որ 2020թ. հուլիսի 6-ին Տավուշի մարզի Կողբ համայնքի համայնքապետարանի շենքում տեղի է ունեցել «Ցեոլիտ տեխնոլոգի» ՍՊԸ-ի կողմից ներկայացված Տավուշի մարզի «Նոյեմբերյանի ցեոլիտային տուֆերի հանքավայրի «Նոր Կողբ» տեղամասի օգտակար հանածոյի արդյունահանում» նախատեսվող գործունեության շրջակա միջավայրի վրա ազդեցության նախնական գնահատման հայտի վերաբերյալ հանրային քննարկումների երկրորդ փուլը: Երկու տարի առաջ Կողբ բնակավայրում ցեոլիտային տուֆերի արդյունահանման վերաբերյալ հանրային քննարկումների երկրորդ փուլն անցկացրած «Ցեոլիտ տեխնոլոգի» ինչդեհ Կողբի հանքավայրում նշված ժամանակ այդ օգտակար հանածոյի արդյունահանում չի իրականացրել, այժմ է Կողբի տարածքում կատարվելիք երկրաբանահետախուզական աշխատանքների շրջակա միջավայրի վրա ազդեցության նախնական գնահատման վերաբերյալ հանրային քննարկումներ կազմակերպել Նոյեմբերյան խոշոր համայնքում, որի մեջ ընդգրկված է նաեւ Կողբ գյուղը: Այդ կապակցությամբ Նոյեմբերյանի համայնքապետարանից պարզաբանեցին, որ երկու տարի առաջ «Ցեոլիտ տեխնոլոգի» ՍՊԸ-ին Կողբի տարածքում ցեոլիտի արդյունահանման նպատակով հատկացված տարածքը ինչոր սխալի պատճառով քարտեզով համընկել է ցեոլիտ արդյունահանող այլ ընկերությանը տրամադրված տարածքին, այդ պատճառով այն ժամանակ «Ցեոլիտ տեխնոլոգի» Կողբ գյուղի տարածքում ցեոլիտի արդյունահանում չի իրականացրել: Նոյեմբերյանի համայնքապետարանից հայտնեցին նաեւ, որ այդ ընկերությունը Նոյեմբերյան համայնքում գործելու է բնապահպանական օրենսդրությանը համապատասխան, որպեսզի ստանա իր գործունեության վերաբերյալ շրջակա միջավայրի վրա ազդեցության գնահատական (ՇՄԱԳ), դրանից հետո իրականացնի իր նախատեսած ծրագիրը: Որոշ տեղեկությունների համաձայն՝ «Ցեոլիտ տեխնոլոգի» ՍՊԸ-ն սերտորեն առչվում է «Հրազդան ցեմենտ» ընկերության հետ: Ցեոլիտը բազմաթիվ օգտակար հատկություններով օժտված հանքանյութ է, որի վերամշակումից ստացված արտադրանքը կիրառվում է տարբեր բնագավառներում: Տարիներ առաջ Կողբ գյուղի տարածքից արդյունահանված ցեոլիտի վերամշակման արտադրամաս էր գործում Տավուշի մարզի Այրում քաղաքի սկզբնամասում:

ՈՍՎԱՆ ՍՈՐՈՍՅԱՆ Տավուշ

5 ԸՆԿԵՐՈՒԹՅՈՒՆՆԵՐ

ՆԵՐՄՈՒԾՄԱՆ ՄԱՔՄԱՏՈՒՐՔԻՑ ԱԶԱՏԵԼ ԵՆ

Կառավարությունը փետրվարի 23-ի նիստում գերակա դրոշում իրականացվող ներդրումային ծրագրի օրհանգրվաններում ներմուծման մաքսաուրֆից ազատեց մի քանի ընկերություններ:

Մասնավորապես, մաքսատուրքից ազատվեց «ՌՈՄԱՆ ՌԻՍՈՅԱՆ» անհատ ձեռնարկատերը: Որոշման հիմնավորման մեջ նշվում է, որ «ՌՈՄԱՆ ՌԻՍՈՅԱՆ» անհատ ձեռնարկատիրոջ կողմից ներմուծվող հումքը նախատեսվում է օգտագործել կարի արտադրության համար:

Արտադրությունն իրականացվելու է ՀՀ Կոտայքի մարզի Հրազդան քաղաքում: Ընկերությունը հիմնադրվել է 2021 թվականին: Ծրագրի շրջանակներում նախատեսվում է իրականացնել 1.3 մլրդ դրամի ներդրում հումքի ու կյութերի ձեռք բերման համար: Նախատեսվում է ներդրումային ծրագրի շրջանակներում ստեղծել 50 նոր աշխատատեղ՝ մինչև 100 հազ. դրամ միջին ամսական աշխատավարձով: Արտոնություն ստանալու համար ներկայացված ապրանքների արժեքը կազմում է 1.3 մլրդ դրամ: Մաքսատուրքից ազատման արտոնությունը գնահատվում է 113.4 մլն դրամ:

Մեկ այլ որոշմամբ՝ կառավարությունը մաքսատուրքից ազատեց նաեւ «ՍՈՎԹ ՊԼՊԻՐՈՒՄ» սահմանափակ պատասխանատվությամբ ընկերությանը, որի կողմից ներմուծվող հումքը նախատեսվում է օգտագործել անձեռնոցիների, թղթյա սրբիչների արտադրության համար:

Արտադրությունն իրականացվելու է Երեւանում: Ընկերությունը հիմնադրվել է 2014 թվականին: Թողարկված արտադրանքը ամբողջությամբ նախատեսվում է իրացնել ՀՀ տարածքում: Արդեն իսկ իրականացվել է 213 մլն դրամի ներդրում սարքավորումների ձեռք բերման համար: Ծրագրի շրջանակներում նախատեսվում է իրականացնել 180 մլն դրամի ներդրում, որից 150 մլն դրամը՝ սարքավորումների ձեռք բերման, իսկ 30 մլն դրամը՝ շինարարական աշխատանքների իրականացման համար: Նախատեսվում է ներդրումային ծրագրի շրջանակներում ստեղծել 24 նոր



աշխատատեղ՝ 160 հազ. դրամ միջին ամսական աշխատավարձով: Արտոնություն ստանալու համար ներկայացված ապրանքների արժեքը կազմում է 2.1 մլրդ դրամ: Մաքսատուրքից ազատման արտոնությունը գնահատվում է 218 մլն դրամ:

Մեկ այլ որոշմամբ կառավարությունը գերակա ոլորտում իրականացվող ներդրումային ծրագրի շրջանակներում մաքսատուրքից ազատեց «ՍԱՐՄԵՏ» սահմանափակ պատասխանատվությամբ ընկերությանը: «ՍԱՐՄԵՏ» սահմանափակ պատասխանատվությամբ ընկերության կողմից ներմուծվող հումքը նախատեսվում է օգտագործել մետաղական կափարիչների արտադրության համար: Արտադրությունն իրականացվելու է Երեւան քաղաքում: Ընկերությունը հիմնադրվել է 2003 թվականին:

Ծրագրի շրջանակներում նախատեսվում է իրականացնել 1.97 մլրդ դրամի ներդրում, որից 157.1 մլն դրամն արդեն իսկ ներդրվել է հումքի ձեռք բերման համար: Նախատեսվում է ներդրումային ծրագրի շրջանակներում ստեղծել 12 նոր աշխատատեղ՝ մինչև 133 հազ. դրամ միջին ամսական աշխատավարձով: Արտոնություն ստանալու համար ներկայացված ապրանքների արժեքը կազմում է 2.6 մլրդ դրամ: Մաքսատուրքից ազատման արտոնությունը գնահատվում է 128.3 մլն դրամ: Կառավարությունը, մեկ այլ որոշմամբ, գերակա ոլորտում իրականացվող ներդրումային ծրագրի շրջանակներում ներ-

Հիֆոթեքսին վարչ

ՈՐ ԴԵՊՔԵՐՈՒՄ ՉԻ ՎԵՐԱԳԱՐՉՎՈՒՄ ԵԿԱՄՏԱՅԻՆ ՀԱՐԿԸ

ՀՀ դեռակամ եկամուտների կոմիտեի փոխնախագահը, որ 2022 թվականի հունվարի 1-ից ՀՀ հարկային օրենսգրքով սահմանվել է, թե որ դեպքերում չի վերադարձվում հիֆոթեքային վարկի սղասարկման համար վարձու աշխատող հանդիսացող ֆիզիկական անձի վճարած սկզբնական գումարների չափով եկամտային հարկը (ՀՀ հարկային օրենսգրքի 160-րդ հոդվածի 2-րդ մաս, 4-րդ կետ):

Մասնավորապես, եկամտային հարկը չի վերադարձվում՝ -2022 թվականի հունվարի 1-ից հետո ստացված հիֆոթեքային վարկերի մասով, եթե ՀՀ հարկային օրենսգրքի 160-րդ հոդվածի 1-ին մասով սահմանված անշարժ գույքը գտնվում է, կառուցվում է կամ կառուցվելու է Կառավարության որոշմամբ սահմանված շինությունների տարածազանգվածում (գտնվելու վայրի)՝

Երեւան քաղաքի վարչական տարածքում ներառված առաջին գոտում: - 2023 թվականի հունվարի 1-ից հետո ստացված հիֆոթեքային վարկերի մասով, եթե անշարժ գույքը գտնվում է, կառուցվում է կամ կառուցվելու է Երեւան քաղաքի վարչական տարածքում ներառված երկրորդ գոտում: -2023 թվականի հունվարի 1-ից հետո ստացված հիֆոթեքային վարկերի մասով, եթե անշարժ գույքը գտնվում է, կառուցվում է կամ կառուցվելու է Երեւան քաղաքի վարչական տարածքում ներառված երրորդ գոտում: -2025 թվականի հունվարի 1-ից հետո ստացված հիֆոթեքային վարկերի մասով, եթե անշարժ գույքը գտնվում է, կառուցվում է կամ կառուցվելու է Երեւան քաղաքի վարչական տարածքում ներառված վերոնշյալ կետերում չնշված գոտիներում: Միաժամանակ, ՊԵԿ-ը տեղեկացնում է՝ անհրաժեշտ է հաշվի առնել, որ նշված սահմանափակումները չեն կիրառվում

մուծման մաքսատուրքից ազատեց «ՄԱՅԵՆ ՊԼԱՍՏ» սահմանափակ պատասխանատվությամբ ընկերությանը: «ՄԱՅԵՆ ՊԼԱՍՏ» սահմանափակ պատասխանատվությամբ ընկերության կողմից ներմուծվող հումքը նախատեսվում է օգտագործել պոլիէթիլենային խողովակների եւ կցամասերի արտադրության համար: Արտադրությունն իրականացվելու է Երեւան քաղաքում: Ընկերությունը հիմնադրվել է 2016 թվականին: Ծրագրի շրջանակներում նախատեսվում է իրականացնել 201.4 մլն դրամի կապիտալ ներդրում: Նախատեսվում է ներդրումային ծրագրի շրջանակներում ստեղծել 20 նոր աշխատատեղ՝ մինչև 180 հազ. դրամ միջին ամսական աշխատավարձով: Արտոնություն ստանալու համար ներկայացված ապրանքների արժեքը կազմում է 3.2 մլրդ դրամ: Մաքսատուրքից ազատման արտոնությունը գնահատվում է 209 մլն դրամ:

Կառավարությունը գերակա ոլորտում իրականացվող ներդրումային ծրագրի շրջանակներում մաքսատուրքից ազատելու արտոնություն տվեց «ՄԱՐՏԻՆ ՍԹԱՐ» սահմանափակ պատասխանատվությամբ ընկերությանը: «ՄԱՐՏԻՆ ՍԹԱՐ»-ի կողմից ներմուծվող հումքը նախատեսվում է օգտագործել 2021-2022 թվականներին մեկնարկված պաղպաղակի եւ 2022 թվականին մեկնարկված սեւ եւ լուծվող սուրճերի արտադրությունների համար: Արտադրությունն իրականացվելու է Երեւան քաղաքում: Ընկերությունը հիմնադրվել է 2007 թվականին: Ծրագրի շրջանակներում նախատեսվում է իրականացնել շուրջ 1.7 մլրդ դրամի ներդրում շրջանառու միջոցների ձեռք բերման համար, որից 1 մլրդ դրամը՝ պաղպաղակի արտադրության, իսկ մնացած մասը՝ սուրճի արտադրության ոլորտում: Նախատեսվում է ներդրումային ծրագրի շրջանակներում ստեղծել 15 նոր աշխատատեղ՝ 313-340 հազ. դրամ միջին ամսական աշխատավարձով: Արտոնություն ստանալու համար ներկայացված ապրանքների արժեքը կազմում է 966 մլն դրամ: Մաքսատուրքից ազատման արտոնությունը գնահատվում է 125 մլն դրամ:

● Անցած 1 օրվա ընթացքում Հայաստանի Հանրապետությունում արձանագրվել է 6 ՃՏՊ. 6 մարդ ստացել է տարբեր աստիճանի մարմնական վնասվածքներ:

ՍՈՑԻԱԼԱԿԱՆ

«ԱԿԲԱ» ԲԱՆԿ

ԵՐԱԶԱՆՔՆԵՐԸ ՀՆԱՐԱՎՈՐ Է ԻՐԱԿԱՆԱՑՆԵԼ



Աղջիկ, որ երագում է եւ իրականացնում երագանքներ. արդեն 13 տարի մասնագիտությամբ թուրքագետ Արմինե Աղաջանյանը Եղեգնաձորում իր հիմնած «Մոշ» ստուդիայում, ստեղծում է ձեռագործ աշխատանքներ:

Երեւանում սովորելուց հետո Արմինե Աղաջանյանը մանկության երագանքի հետքերով վերադարձել է հայրենի քաղաք. փոքր քայլերով, դժվարությունները հաղթահարելով ու ինքնակրթվելով՝ ստեղծել է «Մոշ» ստուդիան, որտեղ իրականացվում են նաեւ վարպետության դասեր, սովորեցնում են ասեղնագործություն, տիկնիկագործություն ու կարուձեւ, ձեռագործ հմտություններ փոխանցում:

«Մոշ» ստուդիայում ստեղծվում են հավաքածուներ, որոնք աշխարհին ներկայացնում են Հայաստանի մշակութային հարուստ ժառանգությունը: Հավաքածուներից մեկը կրում է միջնադարի հայ վարպետ Մովսիկ անունը: Արմինե Աղաջանյանը, երբ սկսում էր բիզնեսը, միայն կիսախարիսուլ շենք կար, որը քայլ առ քայլ ոտքի կանգնեցրեց, տեխնիկայապես վերագիներ ու դարձրեց Եղեգնաձորի կարտերոր մշակութային կենտրոններից մեկը:

«Եթե ունես ցանկություն ու երագանք, էական չէ՛ կին ես, թե տղամարդ, պետք է հավատարիմ լինես երագանքիդ ու ի կատար ածես բոլոր նպատակներդ: Լինելով կին եւ ծավալելով բիզնես փոքր քաղաքում՝ հանդիպել եմ դժվարությունների ու հասկացել, որ ամեն երագանք հնարավոր է իրականացնել նույնիսկ փոքրիկ գյուղում: Մեր բիզնեսի նպատակներից մեկն էլ եղել է հայկական մշակութային տարածումը՝ հիմքում վերցնելով խաչքարերի զարդանախշերը: Այս տարիների ընթացքում ունեցել ենք հաջողված գործընկերության բազմաթիվ օրինակներ, որոնցից է «Ակբա» բանկի հետ համագործակցությունը, որի շնորհիվ էլ փորձում ենք զարգացնել մեր բիզնեսը»,- նշում է «Մոշ» ստուդիայի հիմնադիր Արմինե Աղաջանյանը:

Արմինե Աղաջանյանի մեծ երագանքը «Մոշի» սրահներ ունենալն է Եվրոպայում, իսկ առաջիկայում ցանկանում է նման կենտրոններ բացել նաեւ Գյումրիում ու Երեւանում՝ հնարավորություն տալով ավելի շատ կանանց աշխատել ու ինքնադրստերովել:

«Ոգեշնչված կին գործարարներով» միջոցառման մասին կարող էք տեղեկանալ՝ այցելելով պաշտոնական կայքէջ:

Բանկը վերահսկվում է ՀՀ ԿԲ կողմից:

ՔԱՂԱՔԱՑՈՒ ԽՆՈՐԱՆՔՈՎ

ՀԱՅ ԺՈՂՈՎՐԴԻ ՃԱԿԱՏԱԳԻՐԸ

ՄԱՌՄ՝ Հգորագույն ողեսություն, որին հնարավոր չէ քանդել ռազմական ճանադարով: Հարկավոր է մեակել նոր մեթոդ:

Այդ գործը իր վրա վերցրեց աշխարհին հայտնի խառնակիչը՝ թուրքը: Քնացքը, որին կցված էր 2 վագոն, ճանապարհովեց Բաքվից եւ կանգ առավ Կրասնոդարի կառավարչություն, որտեղ կանգնած էին 2 մարդ, որոնցից մեկը թուրքերի Սիկոլ Փաշինյանն էր՝ Միխայիլ Գորբաչով վերնագրով: Բրեժնեւը իջավ վագոնից, ձեռքը մեկնեց եւ ծանոթացավ Գորբաչովի հետ: Հաջորդ օրը Գորբաչովը թռավ Մոսկվա եւ դարձավ քաղաքապետի անդամ: Վերջապես նստելով պետության ղեկին՝ սկսեց կամաց-կամաց քանդել պետությունը: Հայ ժողովուրդը չհասկացավ, որ ՀՀ-ն շատ մտածված եւ նուրբ ձեւով կազմակերպված է վերելից եւ կապ չունի հայ ժողովրդի շահերի հետ: Ժողովուրդը գլխի չկարծեց թե ով է Լեւոն Տեր-Պետրոսյանը, որ հզորագույն պետության մեջ սկսեց կազմակերպել գործադուլներ: ՀՀ-ի անդամներին տարան Մոսկվա՝ Գորբաչովի մոտ: Պատմում էին, որ բոլորին պահում էին մի-եւնույն խցիկում, իսկ Լեւոնին՝ միայնակ առանձին խցիկում, բոքիկ ոտերով, սառը բետոնի վրա: Այդ ոգեւորված պատմություններից 2 օր հետո Լեւոնի եղբայր Կամոն ասում է. «Լեւոնն այսօր ասաց՝ հիմա մենք գեւք էլ ունենք»: Եվ, ահա, Մատենադարանի Լեւոնը կարողացավ սովետական բանակից գեւք գողանալ: 2 օր հետո գործի դրվեց այդ գեւքը: Լեւոնը երկաթգծի սպասարահում գետին փռեց արյունավա 6 հոգու դիակ: Հայտարարեցին՝ սովետական բանակն է արել: Վերջապես ՀՀ ղեկին նստեց Լեւոն Տեր-Պետրոսյանը՝ դառնալով հայ ժողովրդի դահիճը: Թալեաթի օրինակով ասֆալտին փռեց հայրց սերուցքի մի մասնիկ՝ Գորդների միության նախագահ Վ. Պետրոսյանին, երկաթգծի վարչության պետ Ղանդիլյանին, ԱՄԾ-ի պետ Ղուզբաղյանին, գլխավոր դատախազ Խաչատրյանին, քաղաքապետ Հ. Գալստյանին, գեւերալ Արծ. Մարգարյանին: Այնուհետեւ սկսեց իրականացնել մատնների ծրագիրը, այն է՝ պետության ունեցվածքը տալ մի քանի մարդկանց:

Իր հրաժարականից հետո ընդհամենը 4 օր է հովիարային անջատում եղել: 8 տարում ոչնչացրեց արդյունաբերությունը եւ գյուղատնտեսությունը: Ժողովրդի ձեռքից խլեց իրենց ունեցվածքը, որը



պահում էին ինսյադարամարկղում սեւ օրվա համար: Լեւոնի հայտարարություններն են՝ «մեր ջերմուկը մեզ հերիք է», «մեր տարածքը կարող է երկարել միայն 500 հազար մարդու», «վաղը ավելի վատ է լինելու»: Այս ամենօրյա դեմքերով կամպանիան իրականացնելով Գորբաչովի վստահորեն իրականացնելով Գորբաչովի ծրագիրը: 48 ժամ Սումգայիթում կոտորում էին հայերին, Գորբաչովը հայտարարում է՝ «Му всего на пол часа оно задуло»: Լեւոնը, ժողովրդին ցրտահարելով, սովամահ անելով, վաղվա սարսափաբար վախով հայ ժողովրդին իր տարածքից հեռացրեց: 8 տարում կարողացավ «պլաստիկ օպերացիայի» միջոցով հայ ժողովրդի գլխուղեղից հանել եւ դուրս շարտել 4 կարեւորագույն բաշերը՝

- հայրենասիրություն,
- ինքնասիրություն,
- արժանապատվություն,
- մարդկություն:

Դա է պատճառը, որ աշակերտը կարողացավ գերազանցել իր ուսուցչին եւ «արեւածաղիկ չթթելով»՝ փակել հայ ժողովրդի պատմության վերջին էջը: Քրականները իրականացնում են աշխատանքներ մեծ ջանասիրությամբ հանձնելու Սյունիքը եւ Հայաստանից դուրս հանելու ռուսական բանակը:

Երբ ապերախտ զավակները թքում են իրենց պապերի ու տատերի վրա, չեն կարող պետություն կառուցել: Ըստ ապերախտ զավակների՝ կոմունիստները «անասուններ են եղել»:

Ամիր Պետրոսյան

ԹՈՒՅԼՏՎՈՒԹՅՈՒՆ

ՕՏԱՐ ԼԵԶՎՈՎ ԿՐԹՈՒԹՅԱՆ ԿԱԶՄԱԿԵՐՊՈՒՄ

Կառավարությունն իր երեկվա՝ փետրվարի 23-ի ճիսում «Երեւանի Անանիա Շիրակացու անվան ճեմարան» միջազգային գիտակրթական համալիր՝ փակ բաժնետիրական ընկերության օտար լեզվով (անգլերեն) կրթություն կազմակերպելու թույլտվություն սկեց:

Դա հնարավորություն կտա «Երեւանի Անանիա Շիրակացու անվան ճեմարան» միջազգային գիտակրթական համալիրին» 2023/2024 ուսումնական տարվանից միջնակարգ կրթության երրորդ աստիճանի 11-րդ եւ 12-րդ դասարաններում շարունակել «Միջազգային բակա-

լավրիատի Դիպլոմա» ծրագիրը՝ անգլերենով՝ 3 տարի ժամկետով:

Որոշման հիմնավորման մեջ նշվում է՝ ճեմարանի կողմից «Միջազգային բակալավրիատի Դիպլոմա» ծրագիրն իրականացվում է 2014 թ-ից՝ ՀՀ կառավարության որոշման եւ Միջազգային բակալավրիատի կողմից ստացված հավաստագրի հիման վրա: Ծրագրի 2016-2023 թթ 123 շրջանավարտներից 24-ը (կամ 20%-ը) այլ երկրների քաղաքացիներ են, ընդ որում՝ դրանցից 21-ը՝ ազգությամբ հայ, ինչը հնարավորություն է տալիս մայրենի լեզվի ոչ բավարար իմացության հայ երիտասարդներին ավագ դպրոցն ավարտել հայրենիքում ստանալով

միջազգային չափանիշներին համապատասխան կրթություն:

ՀՀ կառավարության ներկայիս քաղաքականությամբ պայմանավորված՝ կանխատեսվում է Սփյուռքի հայ ընտանիքների ներհոսք: Ավագ դպրոցում երեխաների կրթությունն ապահովելու հնարավորությունը կնպաստի ընտանիքների՝ հայրենիք տեղափոխվելու որոշմանը:

Քանի որ ծրագրի իրականացման ընթացքում շարունակաբար կատարվում են ուսուցիչների վերապատրաստումներ արտերկրի մասնագետների կողմից, արդյունքում ձեւավորվում է միջազգային չափանիշներին համապատասխան դրակավորում ունեցող ուսուցչական համայնք:

«ժողովուրդ» օրաթերթում եւ Armlur.am կայքում գովազդ, հայտարարություն, հաշվետվություն, ծանուցում տեղադրելու համար զանգահարել 094-455-456 հեռախոսահամարով:

ԿԱՐԾԻՔ

ՆԱԽԱԶԵՌՆՈՒԹՅՈՒՆ

ԳԱԼԱ ՂԱՄԵՐԳ՝ ԿԱՄԵՐԱՅԻՆ ՆՎԱԳԱԽՄԲԻ 60-ԱՄՅԱԿԻՆ

Մարտի 2-ին ժամը 19:30-ին, «Արամ Խաչատրյան» համերգասրահում կկազմակերպվի գալա համերգ՝ նվիրված Հայաստանի Պետական կամերային նվագախմբի 60-ամյակին: Համերգին կմասնակցեն Հայաստանի Պետական կամերային նվագախումբը (գեղարվեստական ղեկավար և գլխավոր դիրիժոր՝ Վահան Մարտիրոսյան), Հայաստանի Պետական կամերային երգչախումբը (գեղարվեստական ղեկավար և դիրիժոր՝ Ռոբերտ Մլեքչյան), «Հովեր» Պետական կամերային երգչախումբը (խմբավար՝ Մոնա Հովհաննիսյան), Երեւանի Պետական կամերային երգչախումբը (գեղարվեստական ղեկավար և խմբավար՝ Քրիստինա Ռսկանյան): Որդես մենակատարներ հանդես կգան Վահան Մարտիրոսյանը (դաճնամուր), Սվետլանա Նավասարդյանը (դաճնամուր), Նիկոլայ Մադոյանը (ջութակ), Նարեկ Հախնազարյանը (թավջութակ):



Ծական հարուստ ավանդույթներ, որոնք ժառանգել են շենագրել են նվագախմբի հետագա գեղարվեստական ղեկավարները՝ Կոստանդին Բաղդասարյանը (1975 թ.-ից), Ռուբեն Ասարոնյանը (1982 թ.-ից): 1997 թ. նվագախումբը միավորվեց Զավեն Վարդանյանի ղեկավարած Երեւանի կամերային նվագախմբի հետ (գործել է 1979 թ.-ից):

Դիրիժորներ՝ Վահան Մարտիրոսյան, Զավեն Վարդանյան, Զմայակ Դուրգարյան, Ռոբերտ Մլեքչյան: Ծրագրում կհնչեն Լյուդվիգ Վան Բեթհովենի, Կոմիտաս/Զ. Սահակյանի, Է. Միրզոյանի, Է. Բաղդասարյանի, Վ.Ա.Մոցարտի, Ա. Վիվալդիի ստեղծագործությունները: Համերգը կազմակերպել է Կամերային երաժշտության ազգային կենտրոնը՝ ՀՀ ԿԳՄՍ նախարարության աջակցությամբ:

Նշենք, որ Հայաստանի պետական կամերային նվագախումբը հիմնվել է 1962 թ. ակնհայտ ջրթակահար Զարեհ Սահակյանի նախաձեռնությամբ և ղեկավարությամբ: Ընդհանուր լի վառ անհատականության և հեղինակության՝ Զարեհ Սահակյանը կարողացավ իր շուրջ համախմբել մի խումբ նվիրյալ երաժիշտների, և կարճ ժամանակում նվագախումբը ձեռք բերեց մեծ համբավ Հայաստանում և երկրի սահմաններից դուրս: Զարեհ Սահակյանը թողել է կատարողական, ստեղծագոր-

ԼՈՒՐԵՐ

ԼԻԼԻ ԷԼԲԱԿՅԱՆՆ ԱՄՈՒՄՆԱԼՈՒԾՎԵԼ Է

12 տարվա համատեղ կյանքից հետո դերասանուհի, ռեժիսոր Լիլի Էլբակյանը և ռեժիսոր, դերասան Համո Ադիյանն այլևս միասին չեն: Զույգն ամուսնալուծվել է: Այս մասին ArmLur.am-ը տեղեկացավ դերասանուհու ֆեյսբուքյան էջից, որտեղ Լիլին փոխել էր ամուսնության կարգավիճակը: Դերասանուհու գրառումից պարզ է դառնում, որ զույգն ամուսնալուծվել է 2022 թվականի նոյեմբեր ամսին:

«Կատակ չէ, բայց ամեն ինչ լավ է. ողբերգություն չի եղել: Մենք շարունակում ենք մնալ լավ ընկերներ, բայց սեր այլևս չկա», - հետետրոդների ափսոսանքին ի պատասխան՝ գրել է դերասանուհին:

Հիշեցնենք, որ Լիլի Էլբակյանը և Համո Ադիյանն ամուսնացել էին 2010 թվականի նոյեմբերին, երկու երեխա ունեն՝ Էլմիրան և Էդգարը: Լիլին և Համոն ծանոթացել են «Չնչիկ» ֆիլմի նկարահանումների ժամանակ:

ՖԻԼՊ ԿԻՐԿՈՐՈՎԸ ԳԱՐՉԵԼ Է ԵՐԵՎԱՆԻ

Ռուս երգիչ Ֆիլիպ Կիրկորովը վերջերս դիմել է արտաքին կտրուկ փոփոխու-



թյունների՝ շիկաեղ դառնալով և կրելով կապույտ լիկաներ: Ֆիլմի պրեմիերային էլ ներկայացել է Dolce & Gabbana վերարկուով: Պարզվել է՝ ջինսե հագուստն արժե ավելի քան 4500 դոլար: Հագուստի արժեքը Telegram-ի իր ալիքում հայտնել է ռուս լրագրող Քսենյա Սոբչակը: «Այստեղ Ֆի-

լիպ Կիրկորովը պրեմիերային ներկայացել է Dolce & Gabbana ջինսե վերարկուով՝ 350 000 ռուբլի արժողությամբ: Ինչ-որ տեղ մենք արդեն տեսել ենք նման բան, լավ, ո՞վ է ավելի զիլ», - գրել է Սոբչակը՝ Կիրկորովի լուսանկարին կից տեղադրելով Ռիհաննայի՝ նմանատիպ վերարկուով լուսանկարը:

ԼՈՒՐԵՐ

ԿԺԱՌԱՆԳԻ ԳՄՏԵՐԸ

Reddit-ի համահիմնադիր Ալեքսիս Օհանյանը հայկական գորգեր է հավաքում: Նա հույս ունի, որ դուստրը՝ Օլիմպիան, կժառանգի գորգերը և կպահի դրանք:

Օհանյանը պատմել է, թե ինչպես են իր նախնիները սպանվել թուրք զինվորների կողմից 1915 թվականի Հայոց ցեղասպանության ժամանակ: Ընտանիքից ազգրավվել են երեք գորգ, որոնք եղել են ընտանեկան ժառանգության մաս:

«Այս գորգերը Օլիմպիայի համար են: Իսկ ո՞վ գիտի, գուցե մենք էլի երեխաներ ունենանք: Թակեք փայտին. սա այն երկիրը չէ, որտեղից ես պատրաստվում եմ փախչել: Բայց ես գիտեմ, որ ոչ բոլորն ունեն նման հնարավորություն», - ասել է Օհանյանը:

Ավելի վաղ նրա կինը՝ Սերենա Ուիլյամսը, պատմել էր, թե ինչպես է Հռոմում իրենց առաջին հանդիպման ժամանակ փորձել առնետով վախեցնել Օհանյանին: Հիշելով, որ առաջին անգամ տեսավ իր ապագա ամուսնուն՝ Ուիլյամսը Vanity Fair-ին ասել է. «Այս մեծ տղան ներս է մտնում և պարզապես ընկնում մեր կողքի սեղանի մոտ, իսկ ես ասում եմ. «Շուրջը շատ սեղաններ կան, բայց նա հենց այստեղ է նստել»:

Ուիլյամսն ու նրա ընկերները փորձել են ստիպել նրան տեղափոխվել դատարկ սեղաններից մեկի շուրջ և նույնիսկ ասել են, որ իր կողքին առնետ կա, սակայն Ալեքսիսը չի շփոթվել: Օհանյանը պատասխանել է. «Ես Բրուքլինից եմ: Ես անընդհատ առնետներ եմ տեսնում»: Սերենան ասել է. «Ահ, դու առնետներից չե՞ս վախենում»:

Հետո Ուիլյամսն իր սեղանի շուրջ է հրավիրում Reddit-ի հիմնադիրին, իսկ մնացածն իր հունով գնում է:

ԳՆԵԼ Է Heineken-Ի ԱՐԺԵԹՂԹԵՐԸ

Միլիարդատեր և Microsoft-ի համահիմնադիր Բիլ Գեյթսը ձեռք է բերել հոլանդական Heineken Holding NV-ի (HEIO.AS) արժեթղթերի 3,76 տոկոսը: Այս մասին տեղեկացրել է Reuters գործակալությունը: Սիդնեյի Ֆինանսական շուկաների վարչության (AFM) հայտարարությունում նշվել է, որ արժեթղթերը գնվել են փետրվարի 17-ին: Heineken Holding-ը Heineken NV (HEIN.AS) գարեջրի գործարանի վերահսկիչ փաթեթի սեփականատերն է: Գեյթսը գնել է մեքսիկական FEMSA-ի (որը վաճառում է բաժնեթղթերը) արժեթղթերը:

Գործակալության տվյալներով՝ FEMSA-ն տարբեր գնորդների վաճառել է Heineken Holding-ում իր ունեցած բոլոր 18 մլն բաժնեթղթերը: Ինքը՝ Գեյթսը, 883 մլն եվրոյով (939,87 մլն դոլար) գնել է 10,8 մլն արժեթուղթ՝ ելնելով շուկայում առկա ընթացիկ գնից:

● Փետրվարի 25-ին Երեւանի պատանի հանդիսատեսի թատրոնում տեղի կունենա «Չարլին և շոկոլադի գործարանը» ներկայացումը: Տոմսերի արժեքը՝ 1000-3000 դրամ: Սկիզբը՝ ժամը 15:00-ին:



Էջը՝ ՈՂՋԱ ՊՈՂՈՍՅԱՆԻ

### ԿԱՐԳ

Խաղաղ ցույցը ցրելու նպատակով ոստիկանության աշխատակիցը սղառնաց ասրճանակով: Ինչո՞ւ կարգ է սահմանված ոստիկանների՝ հրազեն կիրառելու վերաբերյալ:  
Յամլետ Բաղայան (38 տարեկան)



**ՊԱՏԱՍԽԱՆ.** Ոստիկանության ծառայողները պարտավոր են անցնել հատուկ պատրաստություն, որի շրջանակում սովորում են բանակցություններ վարելու և համոզելու հմտություններ ֆիզիկական ուժի, հատուկ միջոցների և հրազենի գործադրումը սահմանափակելու նպատակով, ինչպես նաև պարբերաբար անցնել ֆիզիկական ուժի, հատուկ միջոցների և հրազենի գործադրման անհրաժեշտություն առաջացնող իրադրություններում գործելու ունակությունը որոշող ստուգումներ: Համապատասխան պատրաստակա-նություն անցնելուց հետո միայն ոստիկանության ծառայողն իրավունք ունի պահելու և կրելու հրազեն ու հատուկ միջոցներ:  
**ՀՀ ոստիկանություն**

**«ԺՈՂՈՎՈՒՐԳ».** Ոստիկանության ծառայողը, որպես բացառիկ միջոց, գործադրում է ֆիզիկական ուժ, հատուկ միջոցներ և հրազեն միայն օրենքով նախատեսված դեպքերում և կարգով այնքանով, որքանով դա անհրաժեշտ է իր պարտականությունները կատարելու համար, եթե այլ միջոցներով այդ պարտականությունների կատարումը հնարավոր չէ ապահովել:

### ՏՆՏԵՍԱԿԱՆ

ՀԱՐՑ. Խանութից անհայտ կաթնամթերք են գնել, որի օգտագործումից ինֆուզացիոնություն վաստակել է: Ի՞նչ անել և ո՞ւմ դիմել:  
Գոհար Մալխասյան (69 տարեկան)



**ՊԱՏԱՍԽԱՆ.** Եթե Ձեր կողմից գնած կաթնամթերքի փաթեթավորման վրա առկա չեն տեղեկություններ ապրանքի վերաբերյալ, ապա առկա է խախտում արտադրողի կամ վաճառողի կողմից: Նման իրավիճակում, կախված Ձեր ինքնազգացողության վատթարացման աստիճանից, նախ խորհուրդ է տրվում դիմել շտապ- բուժօգնության ծառայությանը, այնուհետև անհրաժեշտ է անմիջապես դեպի մասին ահազանգել ՀՀ սննդամթերքի անվտանգության պետական ծառայություն:  
**ՀՀ սննդամթերքի անվտանգության պետական ծառայություն**

**«ԺՈՂՈՎՈՒՐԳ».** Բացի այդ, Դուք կարող եք այդ ապրանքի վերաբերյալ Ձեր բոլոր բողոքները հայտնել այն խանութի տնօրինությանը, որտեղից գնել եք այն՝ ներկայացնելով ապրանքի համար վճարման անդորրագիրը: Իսկ Ձեր առողջությանը անորակ սննդամթերքի հետեանքով վնաս պատճառվելու դեպքում կարող եք վնասները գանձելու պահանջով դիմել դատարան:

### ԼՈՒՐ ԿԱՂԻ

Լուսանկարը համացանցից



Հայաստանի շախմատի տղամարդկանց թիմի նախկին անդամ Լեոն Արոնյանը շարունակում է գլխավորել WR Chess Masters-ի մրցաշարային աղյուսակը: Արոնյանը միանձնյա գլխավորում է մրցաշարային աղյուսակը: Նա 6 հնարավորից ունի 4,5 միավոր: WR Chess Masters մրցաշարին մասնակցում է 10 գրոսմայստեր: Այն կեդրափակվի փետրվարի 25-ին:

### ԲԱԺԱՆՈՐԴԱԳՐՈՒԹՅՈՒՆ

Մեր թերթը  
Բաժանորդագրվելու  
համար կարող եք դիմել



«Հայմամուլ» ՓԲԸ  
հեռ. 45-82-00, 45-19-11

«Հայփոստ» ՊՓԲԸ  
հեռ. 51-45-46, 51-45-47

«Բլից-Մեդիա» ՍՊԸ  
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), և մենք անպայման կանդրադարձնանք ձեր բարձրացրած բոլոր խնդիրներին:

**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը և ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
Ազգանուն՝ \_\_\_\_\_  
Առաքման հասցե՝ \_\_\_\_\_  
Բջջային ես/կամ քաղաքային հեռախոս՝ \_\_\_\_\_

Հեռ.՝ (060) 490049  
0023, Արշակունյաց 2, 5-րդ հարկ, 518ս.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.  
«Շարունակությունը կարող եք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ  
Հասցեն՝ ք. Երևան, Աբովյան 22՝/3, հեռ՝ 010 54-64-23  
Պետական գրանցման վկայականի համարը՝ 03Ա089086  
տրված է 24.11.2010  
Ստորագրված է տպագրության 23.02.2023  
Պատկեր/Պատկերակերպի մասը, ք. Կարթուս, 4 համարումից 2011

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում և չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: